

პლატფორმაზე ფასდაკლების ვაუჩერებით სარგებლობის პირობები

ზოგადი პირობები

წინამდებარე პირობები წარმოადგენს პლატფორმაზე ფასდაკლების ვაუჩერის შექმნისა და ფასდაკლების ვაუჩერის გამოყენების პირობებს და მასზე დათანხმებით ადასტურებთ თქვენს გადაწყვეტილებას პლატფორმაზე ფასდაკლების ვაუჩერის შექმნისას და აღნიშნული ფასდაკლების ვაუჩერის გამოყენებისას ისარგებლოთ და იხელმძღვანელოთ წინამდებარე პირობებით და თქვენი უფლებები და ვალდებულებები, ქცევის წესები, პლატფორმის უფლებები და ვალდებულებები, ქცევის წესები, განისაზღვროს და დარეგულირდეს ამ პირობების შესაბამისად.

ეს პირობები წარმოადგენს სავალდებულო ძალის შეთანხმებას თქვენსა და კომპანიას შორის

ტერმინთა განმარტება

აქცია - კომპანიის ან/და პარტნიორი მერჩანტის მიერ მომხმარებლისათვის ფასდაკლებით ან/და წინასწარ განსაზღვრული შეღავათიანი პირობებით შეთავაზებული მომსახურება ასევე მომხმარებლისათვის მომსახურების შექმნისას დამატებითი ბენეფიტის შეთავაზება (მათ შორის დამატებითი მონეტების დარიცხვა), რომლით სარგებლობის უფლებასაც მომხმარებელი იღებს აქციის პირობების შესაბამისად;

აქციის პირობები - კომპანიის/პარტნიორი მერჩანტის მიერ მომხმარებლისათვის შეთავაზებული აქციის წესები და პირობები, რომელიც ეცნობება მომხმარებელს პლატფორმაზე განთავსებული ინფორმაციის სახით;

კამარა - მომხმარებლის ანგარიში პლატფორმაზე, სადაც აგროვებს მონეტებს და ახდენს მათ გამოყენებას;

კანონმდებლობა - საქართველოს მოქმედი საკანონმდებლო და კანონქვემდებარე ნორმატიული აქტები და საქართველოს ნორმატიულ აქტთა სისტემაში შემავალი საერთაშორისო ხელშეკრულებები და შეთანხმებები;

კომპანია/ჩვენ - შპს „პირველი შოპ“, საიდენტიფიკაციო ნომერი: 405431714
მისამართი: საქართველო, თბილისი, საბურთალოს რაიონი, ზოვრეთისა და მგალობლიშვილის ქუჩების კუთხეში
ელ.ფოსტა: Info@Pirveli.com საკონტაქტო ნომერი: (032) 218 55 77;

მომხმარებელი/თქვენ - ფიზიკური პირი, რომელიც სარგებლობს პლატფორმის მიერ შეთავაზებული სერვისებით.

მონეტა - კამარაზე დაგროვებული/დაგროვებადი ლოიალობის ქულა, რომელიც გამოიყენება პლატფორმაზე სხვადასხვა მომსახურებით სარგებლობისათვის;

პარტნიორი მერჩანტი - ფიზიკური ან/და იურიდიული პირი, რომლის ფასდაკლების ვაუჩერის ან/და აქციის რეალიზაცია ხორციელდება პლატფორმის საშუალებით;

პლატფორმა - www.Pirveli.com; www.Pirveli.ge;

ქოლ-ცენტრი - კომპანიის სატელეფონო მომსახურება, რომელთან დაკავშირებაც მომხმარებელს შეუძლია შემდეგ ნომერზე: (032) 218 55 77;

ხელშეკრულება - წინამდებარე პირობები, რომელზე თანხმობასაც მომხმარებელი გამოხატავს შესაბამისი ველის მონიშვნით პლატფორმაზე და რომელიც არეგულირებს მხარეთა შორის წარმოშობილ სამართლებრივ ურთიერთობებს.

რეგისტრაცია/ავტორიზაცია ფასდაკლების ვაუჩერის შექმნისა და გამოყენებისათვის

ფასდაკლების ვაუჩერის შექმნა შეგეძლებათ მხოლოდ იმ შემთხვევაში, თუ გაივლით რეგისტრაციას და ავტორიზაციას პლატფორმაზე.

რეგისტრაციისათვის დაგჭირდებათ შესაბამისად რეგისტრაციის ფანჯარაში გამოტანილ ველებში შემდეგი მონაცემების დაფიქსირება:

- პირადობის დამადასტურებელ დოკუმენტებში მითითებული სახელი და გვარი;

- თქვენი აქტიური ელ-ფოსტის მისამართი ან/და მობილური ტელეფონის ნომერი;
- ასევე თქვენ მიერ შემდგომი ავტორიზაციისათვის შერჩეული პაროლი (თქვენ მიერ შერჩეული პაროლი უნდა შეადგინოთ პლატფორმაზე მითითებული წესების შესაბამისად).

რეგისტრაციის დასასრულებლად აუცილებელია დაეთანხმოთ წინამდებარე პირობებს.

რეგისტრაცია ასევე შესაძლებელია ქოლ ცენტრის საშუალებით;

ქოლ-ცენტრის საშუალებით კომპანიის მიერ მომხმარებლის პლატფორმაზე რეგისტრაციის შემთხვევაში, ასევე ინფორმაცია პლატფორმაზე ავტორიზაციისათვის სავალდებულო მონაცემების შესახებ მომხმარებელს მიეწოდება მის მიერ დაფიქსირებული ელექტრონული ფოსტის ან/და მობილური ტელეფონის ნომრის საშუალებით.

რეგისტრაციის პროცედურის დასრულებისთანავე ჩაითვლებით პლატფორმაზე რეგისტრირებულ მომხმარებლად გაგეხსნებათ პირადი ანგარიში, გაგიაქტიურდებათ ა) პირადი ბალანსი, რომელზეც შესაძლებელი იქნება თანხის განთავსება და ბ) კამარა, რომელზეც შესაძლებელი იქნება მონეტების დაგროვება.

პირადი ბალანსის/კამარის შევსება

პლატფორმაზე პირადი ბალანსის შევსება შეგიძლიათ განხორციელოთ შემდეგი მეთოდების გამოყენებით:

- სწრაფი ჩარიცხვის აპარატის საშუალებით;
- თქვენი ინტერნეტ ბანკის ან/და მობაილ ბანკის გამოყენებით;
- სადებეტო/საკრედიტო ბარათის საშუალებით.

პირადი ბალანსიდან თანხის გატანა შესაძლებელია თქვენ მიერ დაფიქსირებულ თქვენივე საბანკო ანგარიშზე ან სხვა უფლებამოსილი პირის ანგარიშზე თუ წარადგენთ შესაბამის პირზე გაცემულ ნოტარიულად დამოწმებულ მინდობილობას, საბანკო ანგარიშზე თანხის დაბრუნება განხორციელდება მოთხოვნიდან ან/და ხელშეკრულების შეწყვეტიდან 7 (შვიდი) სამუშაო დღის ვადაში.

კამარაში მონეტების დაგროვება ხდება თქვენ მიერ განხორციელებული კონკრეტული აქტივობების შესაბამისად, რომელშიც შედის:

- პლატფორმაზე რეგისტრაცია;
- პლატფორმაზე მეგობრის მოწვევა;
- ონლაინ მაღაზიაში პროდუქციის შეძენა;
- ფასდაკლების ვაუჩერის შეძენა;
- ჯანდაცვის ბარათის შეძენა;
- გასართობი თამაშების წარმატებით დასრულება (გამარჯვება).

მონეტების დაგროვება შეიძლება განხორციელდეს პლატფორმის წინასწარ განსაზღვრულ სატელეფონო ნომერზე ზარის საშუალებით - პლატფორმაზე რეგისტრირებული მობილური ტელეფონის ნომრიდან პლატფორმაზე წინასწარ განსაზღვრულ ნომერზე სატელეფონო ზარის განხორციელების შემთხვევაში, მობილური ნომრის ბალანსიდან ჩამოიჭრება 2 (ორი) ლარი, ხოლო კამარაზე აღირიცხება 100 (ასი) მონეტა. თუ მომხმარებელი პლატფორმის პლატფორმაზე წინასწარ განსაზღვრულ ნომერზე სატელეფონო ზარს ახორციელებს არარეგისტრირებული ნომრიდან, პლატფორმა ავტომატურად უზრუნველყოფს მომხმარებლის რეგისტრაციას, მობილური ნომრის ბალანსიდან ჩამოიჭრება 2 (ორი) ლარი, კამარაზე აღირიცხება 100 (ასი) მონეტა და მომხმარებელს მოკლე ტექსტური შეტყობინებით მის მობილური ტელეფონის ნომერზე გაეგზავნება პლატფორმაზე ავტორიზაციისათვის საჭირო შესაბამისი იუზერი და პაროლი.

კონკრეტული აქტივობიდან მისაღები მონეტების ოდენობა გეცნობებათ ყოველ ჯერზე შესაბამისი აქტივობის განხორციელებამდე.

კომპანია უფლებამოსილია ნებისმიერ დროს კომპანიის შეცდომის ან/და სხვა ნებისმიერი მიზეზის გამო მომხმარებლის პირად ბალანსზე არასწორად აღრიცხული თანხები ან/და კამარაზე არასწორად აღრიცხული მონეტები ჩამოჭრას მომხმარებლის პირადი ბალანსიდან ან/და კამარადან ცალმხრივად მომხმარებლის დამატებითი თანხმობის ან/და მომხმარებლისათვის დამატებითი შეტყობინების გარეშე.

ფასდაკლების ვაუჩერის შესამენად აუცილებელია

- პლატფორმაზე რეგისტრაციის მომენტში იყოს საქართველოს სრულწლოვანი (არანაკლებ 18 წლის) მოქალაქე;
- პლატფორმაზე რეგისტრაციისას წარმოგვიდგინოთ ზუსტი და უტყუარი მონაცემები/ინფორმაცია;
- პლატფორმაზე დაფიქსირებული თქვენი მონაცემები, რომელიც შეიძლება გამოყენებული იქნეს პლატფორმაზე ავტორიზაციისათვის არ გადასცეთ ნებისმიერ მესამე პირს;
- პლატფორმაზე შეყვანილი ინფორმაცია, პაროლი, მიღებულ რაიმე სხვა კოდი/ინფორმაცია (ასეთის არსებობის შემთხვევაში) შეინახოთ საიდუმლოდ, დაიცვათ, გაუფრთხილდეთ და მიიღოთ ყველა შესაბამისი ზომა მათი გამჟღავნებისაგან თავის დასაცავად;
- არ გამოიყენოთ პლატფორმა ნებისმიერი პერსონალური ან/და სხვა ტიპის ინფორმაციის მოსაპოვებლად ან/და რაიმე ტიპის მონაცემთა ბაზის შესაქმნელად;
- არ გამოიყენოთ პლატფორმაზე განთავსებულ ინფორმაცია კომერციული მიზნებისათვის, მათ შორის არ განახორციელოთ პლატფორმაზე არსებული ინფორმაციის დამუშავებას კომერციული მიზნით;
- სრულად იყოს პასუხისმგებელი თქვენ პირად ანგარიშზე, განხორციელებულ ნებისმიერ აქტივობაზე;
- თქვენი ქმედებებით/აქტივობებით არ დაარღვიოთ სხვა პირთა უფლებები და თავისუფლებები;
- დაიცვათ ჩვენი სავტორო უფლებები და არ დაუშვათ პლატფორმაზე განთავსებული ნებისმიერი მონაცემის უნებართვო გამოყენება/სარგებლობა;
- პლატფორმის გამოყენების და სარგებლობისას იმოქმედოთ ამ პირობების შესაბამისად და საფუძველზე.

თქვენი პერსონალური მონაცემების დამუშავება

თქვენ მიერ მოწოდებულ პერსონალურ მონაცემებს შევავსებთ და დავამუშავებთ მომსახურების გაწევის, გაწეული მომსახურების მონიტორინგისა და მომსახურების ხარისხის გაუმჯობესების ან/და სტატისტიკის წარმოების მიზნით. უფლებას ვიტოვებთ მომსახურების გაწევის პროცესში თქვენგან მიღებული პერსონალური მონაცემები მივაწოდოთ პარტნიორ მერჩანტებს/კომპანიებს, სხვა მესამე პირებს, პლატფორმით შეთავაზებული სერვისების სრულად და ჯეროვნად განხორციელების უზრუნველსაყოფად ან/და მათი შემდგომი დამუშავების მიზნით.

თქვენი პერსონალური მონაცემები, შესაძლებელია დამუშავდეს და გამოყენებული იქნას ჩვენი და ჩვენი პარტნიორი კომპანიების/მერჩანტების მიერ პირდაპირი მარკეტინგის მიზნებისთვის.

თქვენი მოთხოვნის შემთხვევაში, ხელშეკრულების გაუქმების შემდგომ, ვალდებულებას ვიღებთ უზრუნველვყოთ მოწოდებული ინფორმაციის წაშლა/განადგურება საქართველოს მოქმედი კანონმდებლობით გათვალისწინებული წესით და პირობებით.

პასუხისმგებლობა/პასუხისმგებლობის შეზღუდვა

გარდა ამ პირობებით გამონაკლისი შემთხვევებისა ჩვენ არ ვაგებთ პასუხს:

- პლატფორმაზე განთავსებული ფასდაკლების ვაუჩერის ფარგლებში პარტნიორი მერჩანტის მიერ გაწეული მომსახურების ხარისხზე, უსაფრთხოებაზე ან/და კანონიერებაზე, ასევე პარტნიორი მერჩანტის მიერ გაწეული მომსახურების შესაბამისობაზე ფასდაკლების ვაუჩერის პირობებში/აღწერაში მითითებულ მონაცემებთან;
- პარტნიორი მერჩანტის მხრიდან არასათანადოდ გაწეულ მომსახურებაზე (მათ შორის მომსახურების დაყოვნებაზე);
- ნებისმიერ ზიანზე/ზარალზე, რომელიც დადგა თქვენ მიერ ავტორიზაციის მონაცემების გამჟღავნების ან/და კომპანიისათვის არასწორი ინფორმაციის წარდგენის შედეგად;
- არაჯეროვანი მომსახურების შედეგად დამდგარ პირდაპირ ან არაპირდაპირ ზიანზე/ზარალზე, რაც შეზღუდვის გარეშე მოიცავს მიუღებელ შემოსავალს, ბიზნესის დანაკარგს და რეპუტაციისათვის მიყენებულ ზიანს/ზარალს;
- მომხმარებლის ანგარიშის წაშლის/დაბლოკვის გამო დამდგარი ნებისმიერი შედეგზე;
- ნებისმიერ დანაკარგს ან ზიანზე, რომელიც გამოწვეულია (ა) ტექნიკური დეფექტით, ელექტრონული გადაცემის ხარვეზით, პროგრამაში, ელექტრონულ სისტემებში და სხვა ელექტრონულ საშუალებებში უკანონო შეღწევით; (ბ) პროგრამული შეფერხებით; (გ) პროგრამაში სამუშაოდ გამოყენებული მოწყობილობის გაუმართაობით; (დ) ელექტრონული ვირუსით ან ვირუსებით, რომელიც შეიძლება აღმოაჩნდეს ელექტრონულ მოწყობილობებს, რომლებსაც თქვენ იყენებთ პლატფორმაზე მომსახურების მისაღებად.

კომპანიას არ ეკისრება პასუხისმგებლობა ნაკისრი ვალდებულებების შეუსრულებლობისათვის, თუკი ეს გამოწვეულია ფორს-მაჟორული ვითარების გამო, რომელიც არ არის და არ შეიძლება ცნობილი ყოფილიყო კომპანიისათვის თქვენ მიერ შეკვეთის განთავსებისას (პროდუქციის შეძენისას), რომელთა თავიდან აცილება ან მასზე ზემოქმედება შეუძლებელი იყო შესაბამისი მხარის ძალისხმევით და თუკი ასეთი ფორს-მაჟორული ვითარება შეუძლებელს ხდის ამ ხელშეკრულებით გათვალისწინებული შესაბამისი ვალდებულების შესრულებას.

ფორს-მაჟორული მდგომარეობის თაობაზე კომპანია გაცნობებთ თქვენ მიერ რეგისტრაციისას დაფიქსირებული საკომუნიკაციო არხებით გონივრულად უმოკლეს ვადაში.

კომუნიკაცია

კომპანია განხორციელებულ/განსახორციელებელ სერვისებთან, ხელშეკრულებასთან ან/და ხელშეკრულების ცვლილებებთან დაკავშირებით ინფორმაციას მოგაწვდით ელექტრონულად, პლატფორმის, თქვენი პირადი ანგარიშის, ელექტრონული ფოსტის ან/და მობილური ტელეფონის ნომრის გამოყენებით.

ფასდაკლების ვაუჩერის შექმნა

პლატფორმა საშუალებას გაძლევთ შეარჩიოთ თქვენთვის სასურველი ფასდაკლების ვაუჩერი და შესაბამისი დილაკის მონიშვნით დააფიქსიროს ფასდაკლების ვაუჩერის შექმნის მოთხოვნა;

ფასდაკლების ვაუჩერის შექმნამდე ვალდებული ხართ დაუკავშირდეთ პარტნიორ მერჩანტს და შეათანხმოთ ფასდაკლების ვაუჩერის გამოყენების თარიღი და პირობები;

ფასდაკლების ვაუჩერი გადმოგეცემათ თქვენ მიერ საფასურის გადახდის მომენტიდან, წინამდებარე პირობებით განსაზღვრული წესით;

ფასდაკლების ვაუჩერის შექმნისას მიიღებთ შესაბამის კოდს შეტყობინების სახით, თქვენ მიერ რეგისტრაციისას მითითებულ მობილური ტელეფონის ნომერზე ან/და ელექტრონულ ფოსტაზე;

ფასდაკლების ვაუჩერი შესაძლებლობას გაძლევთ ისარგებლოთ ფასდაკლებით პარტნიორი მერჩანტის კონკრეტულ მომსახურებაზე ან/და შეიძინოს ფასდაკლებით პარტნიორი მერჩანტის კონკრეტული პროდუქტი, ფასდაკლების ვაუჩერის წარდგენის საფუძველზე, თუ ფასდაკლების ვაუჩერის წარდგენის მომენტში პარტნიორ მერჩანტი ახორციელებს შესაბამის მომსახურებას ან/და გააჩნია შესაბამისი პროდუქტი;

ფასდაკლების ვაუჩერი მოქმედებს მხოლოდ იმ ვადით რაც მითითებულია ფასდაკლების ვაუჩერის აღწერაში, ხოლო ფასდაკლების ვაუჩერით სარგებლობა შესაძლებელია მხოლოდ იმ პირობებით რაც მოცემული შესაბამისი აქციის აღწერაში;

მხარეები თანხმდებიან, რომ შესაძლებელია პლატფორმაზე განთავსებული აქცია გაუქმდეს, შეიცვალოს, შეწყდეს კომპანიის ან/და შესაბამისი აქციის განმათავსებელი პარტნიორი მერჩანტის მიერ;

მხარეები თანხმდებიან, რომ ფასდაკლების ვაუჩერის შექმნა ნიშნავს იმას, რომ მომხმარებელი დეტალურად გაეცნო და ეთანხმება ფასდაკლების ვაუჩერის საფუძველზე მისაღები მომსახურების ყველა პირობას;

კომპანიის უფლებამოსილება და პასუხისმგებლობა შემოიფარგლება პლატფორმაზე პარტნიორი მერჩანტის აქციის პირობების გამოქვეყნებით, ასევე მომხმარებლის მიერ ფულადი სახსრების ჩარიცხვის შემდეგ მისთვის ფასდაკლების ვაუჩერის გადაცემით;

მხარეები თანხმდებიან, რომ ყველა პრეტენზია აქციის პირობაზე/მომსახურებაზე და დაკავშირებულ საკითხებზე წარედგინება პარტნიორ მერჩანტს;

ფასდაკლების ვაუჩერის ფასი შეიძლება არ მოიცავდეს კანონმდებლობით გათვალისწინებულ გადასახადებს, გარდა იმ შემთხვევისა, თუ მისი შექმნის დროს სხვაგვარი ინფორმაცია არ მიეწოდება მომხმარებელს. აღნიშნული გადასახადები შესაძლებელია მომხმარებელს დაეკისროს პარტნიორი მერჩანტის მიერ ფასდაკლების ვაუჩერის სარგებლობის ეტაპზე.

ანგარიშსწორების პირობები

ფასდაკლების ვაუჩერის შექმნისას, მისი საფასურის გადახდა შეიძლება განხორციელდეს:

- თქვენი საკრედიტო /სადებეტო ბარათით;
- პირად ბალანსზე არსებული თანხის გამოყენებით;
- კამარაზე არსებული მონეტების საშუალებით.

ფასდაკლების ვაუჩერის შექმნასთან დაკავშირებული ნებისმიერი გადასახდელის ანაზღაურება განხორციელდება ეროვნულ ვალუტაში, შესაბამისად მომხმარებელი ვალდებულია წინასწარ შეაფასოს გადახდისას მომხმარებლის საბანკო ანგარიშზე თანხის კონვერტაციის (ასეთის არსებობის შემთხვევაში) დანახარჯის/დანაკარგის რისკი. კონვერტაციასთან დაკავშირებული საკითხები სცილდება კომპანიის კომპეტენციის ან/და პასუხისმგებლობის ფარგლებს.

კომპანია უფლებამოსილია თქვენ მიერ კონკრეტული ფასდაკლების ვაუჩერის შექმნისას შეზღუდოს ან/და დამატებით შემოგთავაზოთ საფასურის გადახდის ხელშეკრულებით გათვალისწინებული ერთი ან/და რამდენიმე შესაძლებლობა პარტნიორი მერჩანტის მიერ განსაზღვრული პირობების გათვალისწინებით, რის შესახებაც ინფორმაციას მიიღებთ ფასდაკლების ვაუჩერის შექმნის ეტაპზე.

ფასდაკლების ვაუჩერის უკან დაბრუნების პირობები

შემენილი ფასდაკლების ვაუჩერი უკან დაბრუნებას არ ექვემდებარება და მომხმარებელი აღნიშნულ პირობაზე აცხადებს უპირობო და გამოუთხოვად თანხმობას.

მიუხედავად ზემოაღნიშნულისა, კომპანია უფლებას იტოვებს ყოველ ჯერზე, კონკრეტული შესყიდვის გათვალისწინებით განიხილოს ფასდაკლების ვაუჩერის დაბრუნების შესაძლებლობა და აცნობოს მომხმარებელს ფასდაკლების ვაუჩერის დაბრუნების პირობები, კონკრეტული შემთხვევისათვის.

ხელშეკრულების ძალაში შესვლა და მოქმედების შეწყვეტა

ხელშეკრულება ძალაში შედის თქვენ მიერ პირობებზე თანხმობის ხელშეკრულებით გათვალისწინებული ფორმით გამოხატვის მომენტიდან და მოქმედებს ხელშეკრულების შეწყვეტის მომენტამდე;

ხელშეკრულების მოქმედება შესაძლოა შეწყდეს:

- კომპანიის მიერ, ნებისმიერ დროს, ცალმხრივად, მომხმარებლისათვის 15 კალენდარული დღით ადრე, გაგზავნილი შეტყობინების საფუძველზე;
- კომპანიის მიერ, ნებისმიერ დროს, ცალმხრივად, დაუყოვნებლივ, თუ მომხმარებელი სრულად და ჯეროვნად არ შეასრულებს შეთანხმებით განსაზღვრულ ნებისმიერ ვალდებულებას (მათ შორის, განცხადებებს და გარანტიებს, ნებისმიერ პირობას ან/და სხვა ვალდებულებას);
- მხარეთა შეთანხმებით;
- წინამდებარე ხელშეკრულებით ან/და კანონმდებლობით გათვალისწინებულ სხვა შემთხვევებში.

ხელშეკრულების მოქმედების შეწყვეტის შემთხვევაში კომპანია უფლებამოსილია პლატფორმაზე დაბლოკოს/წაშალოს მომხმარებლის პირადი ანგარიში ან/და გააუქმოს რეგისტრაცია;

ხელშეკრულების მოქმედების შეწყვეტის შემთხვევაში კომპანია უფლებამოსილია არ განახორციელოს ხელშეკრულების მოქმედების პერიოდში შემენილი ფასდაკლების ვაუჩერის გადაცემა;

ხელშეკრულების შეწყვეტის შემთხვევაში მომხმარებლის პირად ბალანსზე არსებული თანხა დაუბრუნდება თქვენ მიერ მითითებულ თქვენივე საბანკო ანგარიშზე (ასეთის არსებობის შემთხვევაში) ან სხვა უფლებამოსილი პირის ანგარიშზე თუ წარადგენთ შესაბამის პირზე გაცემულ ნოტარიულად დამოწმებულ მინდობილობას, ხოლო კამარაზე არსებული მომენტები უქმდება/ნულდება.

მოქმედი კანონმდებლობა და დავების გადაწყვეტა

ხელშეკრულებიდან გამომდინარე და მასთან დაკავშირებული ყველა დავა უნდა გადაწყდეს მხარეთა შორის მოლაპარაკების გზით;

დავის მოუგვარებლობის შემთხვევაში, მხარეები მიმართავენ საქართველოს სასამართლოს კანონმდებლობით განსაზღვრული მოქმედი განსჯადობის წესების გათვალისწინებით.

სხვა პირობები

კომპანია უფლებამოსილია ნებისმიერ დროს უარი განაცხადოს მომხმარებლის პლატფორმაზე რეგისტრაციაზე;

კომპანია უფლებამოსილია ნებისმიერ დროს შეცვალოს ხელშეკრულების პირობები, ცალმხრივად, მომხმარებლისათვის გაგზავნილი შეტყობინების საფუძველზე;

კომპანია უფლებამოსილია ნებისმიერ დროს სრულად ან ნაწილობრივ დაუთმოს/გადასცეს/გადააკისროს ხელშეკრულებით განსაზღვრული უფლებები და ვალდებულებები და აღნიშნულ უფლებებთან ან/და ვალდებულებებთან დაკავშირებული დოკუმენტები/ინფორმაცია ნებისმიერ მესამე პირს;

მომხმარებელი არ არის უფლებამოსილი სრულად ან ნაწილობრივ დაუთმოს/გადასცეს/გადააკისროს ნებისმიერ მესამე პირს ხელშეკრულებით განსაზღვრული უფლება-მოვალეობები ან/და პლატფორმის მომხმარებლის პირადი ანგარიში;

თუ ხელშეკრულების რომელიმე პუნქტი ან მისი ნაწილი რაიმე მიზეზით იქნა გაუქმებული, ბათილად ცნობილი ან შეწყვეტილი, აღნიშნული პუნქტი ან მისი ნაწილი აღარ იქნება გამოყენებული, რაც არ იქონიებს გავლენას ხელშეკრულების დარჩენილი პუნქტების იურიდიულ ძალაზე;

ხელშეკრულებაში არსებითი ცვლილების შეტანის შემთხვევაში კომპანია უფლებამოსილია მომსახურების შეუფერხებლად გაგრძელების მიზნით მოგთხოვოთ ხელშეკრულების პირობებზე განმეორებით დათანხმება;

ხელშეკრულება რეგულირდება და განიმარტება კანონმდებლობის შესაბამისად. იმ შემთხვევებში, რომლებიც არ არის გათვალისწინებული ხელშეკრულებით მხარეები იხელმძღვანელებენ კანონმდებლობით დადგენილი შესაბამისი ურთიერთობის მარეგულირებელი ნორმებით.